

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საია მოუწოდებს საქართველოს პარლამენტს არ მიიღოს პრეზიდენტის ინიციატივის წესით წარდგენილი ცვლილება “მენარმეთა შესახებ” საქართველოს კანონში

15 ივნისს საქართველოს პარლამენტის დარგობრივი ეკონომიკისა და ეკონომიკური პოლიტიკის კომიტეტმა, პირველი მოსმენით მხარი დაუჭირა საქართველოს პრეზიდენტის

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ინიციატივით წარდგენილ კანონპროექტს, რომელიც ითვალისწინებს "მენარმეთა შესახებ" საქართველოს კანონში 53-3 მუხლის კვლავ შემოტანას. ამ ცვლილების მიხედვით, სააქციო საზოგადოებაში 95% აქციების მფლობელ აქციონერს უფლება ეძლევა დარჩენილი 5% აქციების შესყიდვისა, იმის მიუხედავად, ექნება თუ არა 5% აქციების მფლობელ აქციონერ(ებ)ს საკუთარი აქციების გაყიდვის სურვილი.

საქართველოს პარლამენტის მიერ წარმოდგენილი ცვლილების მიღება, იქნება საქართველოს საკონსტიტუციო სასამართლოს 2007 წლის 18 მაისის გადაწყვეტილების უხეში დარღვევა და სასამართლოს მიერ დადგენილი სამართლებრივი წესრიგის დაუმორჩილებლობა.

საკონსტიტუციო სასამართლომ, 2007 წლის 18 მაისის გადაწყვეტილებით, არაკონსტიტუციურად გამოაცხადა და შესაბამისად, გააუქმა "მენარმეთა შესახებ" საქართველოს კანონის 533 მუხლი, რადგანაც იგი არღვევდა კონსტიტუციით გარანტირებულ საკუთრების უფლებას (კონსტიტუციის 21-ე მუხლის მე-2 და მე-3 პუნქტები). საქართველოს პრეზიდენტმა კი, ყოვლად დაუსაბუთებლად, დაჩქარებული წესით, წარადგინა პარლამენტში ანალოგიური შინაარსის მუხლის "მენარმეთა შესახებ" საქართველოს კანონში ცვლილების პროექტი, რომლის მიღებაც, როგორც უკვე აღვნიშნეთ, საკონსტიტუციო სასამართლოს გადაწყვეტილების დაუმორჩილებლობა იქნება.

საქართველოს ახალგაზრდა იურისტთა ასოციაცია მოუწოდებს საქართველოს პარლამენტს არ მიიღოს პრეზიდენტის ინიციატივის წესით წარდგენილი ცვლილება "მენარმეთა შესახებ" საქართველოს კანონში, რათა არ მოხდეს უპრეცედენტო შემთხვევა - საქართველოს საკონსტიტუციო სასამართლოს გადაწყვეტილების დაუმორჩილებლობისა.